



LEX ehf.
Kristín Edwald
Borgartúni 26
105 Reykjavík

UMHVERFIS- OG
AUDLINDARÁÐUNEYTIÐ

Skuggasundi 1 101 Reykjavík
sími: 545 8600 postur@uar.is
umhverfisraduneyti.is

Reykjavík 20. nóvember 2018
Tilv.: UMH18100029/20-1

Vísað er til umsóknar Kristínar Edwald lögmanns, lögmannsstofunni LEX, fyrir hönd Arctic Sea Farm hf., dags. 10. og 25. október 2018, um undanþágu frá starfsleyfi fyrir starfsemi fyrirtækisins.

1. Beiðni um undanþágu.

Samkvæmt erindinu er óskað eftir undanþágu ráðherra frá kröfu um starfsleyfi á grundvelli 1. mgr. 6. gr. laga nr. 7/1998 um hollustuhætti og mengunarvarnir til framleiðslu á 6.800 tonnum árlega af laxi í sjókvíum í Patreksfirði og Tálknafirði. Vísað er til þess að úrskurðarnefnd umhverfis- og auðlindamála hafi með úrskurði sínum frá 4. október 2018 í máli nr. 4/2018 fellt úr gildi starfsleyfi Arctic Sea Farm hf., veitt af Umhverfisstofnun vegna laxeldis í sjókvíum í Patreksfirði og Tálknafirði. Taldi úrskurðarnefndin að matsskýrsla framkvæmdaraðila og álit Skipulagsstofnunar á henni hafi ekki verið lögmætur grundvöllur fyrir ákvörðun um veitingu starfsleyfis, en áður hafði úrskurður fallið um rekstrarleyfi framkvæmdaraðila sem var útgefið af Matvaelastofnun, en það var einnig fellt úr gildi. Jafnframt kemur fram að úrskurðarnefndin hafi með úrskurði nr. 141/2018 frá 5. október 2018 hafnað beiðni fyrirtækisins um að réttaráhrifum úrskurðar í máli nr. 4/2018 yrði frestað þar til endanleg niðurstaða dómstóla um lögmæti þess lægi fyrir, en fyrir liggur að beiðni um frestu réttaráhrifa var vísað frá af hálfu úrskurðarnefndarinnar. Fram kemur í erindinu að fyrirtækið hyggist láta reyna á lögmæti úrskurðar úrskurðarnefndarinnar fyrir dómstólum. Með hliðsjón af hagsmunum fyrirtækisins og samfélagsins á Vestfjörðum telji fyrirtækið að ríkar ástæður mæli með því að fallist verði á beiðni um tímabundna undanþágu frá starfsleyfi. Í umsókninni er vakin sérstök athygli á mögulegu vanhæfi ráðherra til að taka afstöðu til beiðninnar. Í bréfi ráðuneytisins, dags. 12. október 2018 til Lex lögmannsstofu, kom fram að ráðuneytið teldi ekki að ráðherra væri vanhæfur til að afgreiða umrædda beiðni. Í bréfinu sagði að ekki væru að mati ráðherra fyrir hendi aðstæður sem væru til þess fallnar að draga óhlutdrægni hans í efa með réttu, sbr. 6. tölul. 1. mgr. 3. gr. stjórnsýslulaga, nr. 37/1993. Varðandi rökstuðning fyrir þeirri niðurstöðu er vísað til framangreinds bréfs.

Samkvæmt 1. mgr. 6. gr. laga nr. 7/1998 um hollustuhætti og mengunarvarnir er ráðherra heimilt, ef ríkar ástæður mæla með því og að fenginni umsögn Umhverfisstofnunar og eftir atvikum heilbrigðisnefndar, að veita tímabundna undanþágu frá kröfu um starfsleyfi. Í 4. mgr. 5. gr. reglugerðar nr. 550/2018 um losun frá atvinnurekstri og mengunarvarnaeftirlit kemur fram að ráðherra sé heimilt, ef ríkar ástæður mæla með því og að fenginni umsögn Umhverfisstofnunar og eftir atvikum heilbrigðisnefndar, að veita tímabundna undanþágu frá kröfu um starfsleyfi enda sé fram komin fullnægjandi starfsleyfisumsókn til útgefanda starfsleyfis og, ef við á, að fyrir liggi mat á umhverfisáhrifum eða niðurstaða um matskyldu starfseminnar. Þá kemur fram að afmarka skuli undanþágu við þá þætti sem nauðsyn krefur í samræmi við þá meginreglu að allur atvinnurekstur skuli hafa gilt starfsleyfi. Þá skal við veitingu undanþágu kveða á um að rekstraraðili fylgi öðrum ákvæðum útgefins starfsleyfis eða starfsleyfistillögu og skýrslugjöf rekstraraðila til útgefanda

starfsleyfis um framgang nauðsynlegra úrbóta sem tengjast forsendum undanþágu. Samkvæmt 13. gr. laga nr. 106/2000 um mat á umhverfisáhrifum er óheimilt að gefa út leyfi til framkvæmdar sem fellur undir 5. og 6. gr. laganna fyrr en álit Skipulagsstofnunar um mat á umhverfisáhrifum liggur fyrir eða ákvörðun um að framkvæmd sé ekki matsskyld.

Ráðuneytið sendi framangreint erindi með bréfum, dags. 12. október 2018, til umsagnar Umhverfisstofnunar, Skipulagsstofnunar og Matvaelastofnunar með afriti á Heilbrigðisnefnd Vestfjarða og Kristínu Edwald f.h. Arctic Sea Farm hf. Þá sendi ráðuneytið undanþágubeiðnina til kærenda í máli nr. 4/2018 með bréfum dags. 17. október 2018 til athugasemda. Kærendur í málinu voru Náttúruverndarsamtök Íslands, Náttúruverndarsamtökin Laxinn lifi, Akurholt ehf. og Geiteyri ehf., eigendur Haffjarðarár í Hnappadal, Ari P. Wendel, eigandi Kirkjubóls í Arnarfirði og veiðiréttarhafi í Fífustaðadal, Viðir Hólm Guðbjartsson, eigandi Grænuhlíðar í Arnarfirði og veiðiréttarhafi í Bakkadal, Fluga og net ehf., rekstrarfélag Vatnsdalsár á Barðaströnd, Atli Árdal Ólafsson, eigandi hluta veiðiréttar í Hvannadalsá, Langadalsá og Þverá í innanverðu Ísafjarðardjúpi og Varpland ehf., eigandi hluta veiðiréttar í Langadalsá og Hvannadalsá, og veiðifélag Laxár á Ásum. Óttar Yngvason kemur fram fyrir hönd þeirra sem kærðu málið til úrskurðarnefndarinnar að undanskildri Flugu og neti ehf., rekstrarfélagi Vatnsdalsár á Barðaströnd. Auk þess að afla umsagna fundaði ráðuneytið með atvinnuvega- og nýsköpunarráðuneytinu til að afla frekari upplýsinga vegna málssins, en Arctic Sea Farm hf. sótti einnig um rekstrarleyfi vegna starfseminnar til bráðabirgða hjá atvinnuvega- og nýsköpunarráðuneyti á grundvelli laga nr. 71/2009 um fiskeldi.

2. Umsögn Umhverfisstofnunar.

Í umsögn Umhverfisstofnunar til ráðuneytisins, dags. 29. október 2018, kemur fram að umrætt starfsleyfi Arctic Sea Farm hf., sem úrskurðarnefnd umhverfis- og auðlindamála felldi úr gildi þann 4. október 2018, hafi verið gefið út þann 13. desember 2017 fyrir 6.800 tonna ársframleiðslu á laxi í sjókvíum í Patreksfirði og Tálknafirði. Í umsögninni segir að framkvæmdaraðili og viðkomandi stofnanir þurfi að bregðast við þeim annmörkum sem úrskurðarnefndin hafi talið vera á útgáfu starfsleyfisins og að vinna þurfi á ný úr umsóknargögnum. Framkvæmdaraðili þurfi að gera betur grein fyrir valkostum varðandi framkvæmdina, sbr. niðurstöðu úrskurðarnefndar. Umhverfisstofnun sem leyfisveitandi þurfi því næst að meta hvort þær upplýsingar sem berist frá framkvæmdaraðila séu fullnægjandi svo hægt sé að vinna áfram að útgáfu starfsleyfis. Þá verði farið í að auglýsa starfsleyfistillögu að nýju. Nánari útlistun á því ferli sem farið verði í megi finna í umsögn Skipulagsstofnunar til umhverfis- og auðlindaráðuneytisins dags. 25. október sl. Umhverfisstofnun líti svo á að fyrir liggi umsókn um starfsleyfi fyrir framkvæmdinni og að fyrir liggi álit Skipulagsstofnunar um mat á umhverfisáhrifum framkvæmdarinnar þótt bæta þurfi úr tilteknun annmörkum á matinu. Umhverfisstofnun bendir þá á að í úrskurði úrskurðarnefndar umhverfis- og auðlindamála nr. 141/2018 frá 5. október 2018 um frestun réttaráhrifa úrskurða í málum nr. 3, 4, 5, 6 og 12/2018, segi að með þá miklu hagsmuni í huga sem hér um ræði þyki rétt að vekja athygli á að í 1. mgr. 6. gr. laga nr. 7/1998 sé að finna heimildir til handa ráðherra, ef ríkar ástæður mæli með því og að fenginni umsögn Umhverfisstofnunar, að veita tímabundna undanþágu frá kröfum um starfsleyfi. Þá bendir Umhverfisstofnun á að áður en úrskurður hafi fallið hafi stofnunin fallist á breytta staðsetningu eldissvæða eftir ítarlega skoðun. Lögð hafi verið fram matsskyldufyrirspurn hjá Skipulagsstofnun vegna þeirra nýju staðsetningar og hafi stofnunin talið færslu svæðanna ekki háða mati á umhverfisáhrifum. Því líti Umhverfisstofnun til þeirrar staðsetningar varðandi vinnslu nýs starfsleyfis. Að mati Umhverfisstofnunar eru fyrir hendi lagaskilyrði til að veita undanþágu frá starfsleyfi, sbr. 5. gr. reglugerðar nr. 550/2018 og 6. gr. laga nr. 7/1998.

Í umsagnarbeiðni til Umhverfisstofnunar óskaði ráðuneytið sérstaklega eftir upplýsingum um tiltekin atriði og afriti af gögnum eftir því sem við ætti. Í svörum Umhverfisstofnunar við spurningum ráðuneytisins kemur m.a. eftirfarandi fram:

- a) Rekstraraðili hafi ekki verið með útgefið eldra starfsleyfi í Patreks- og Tálknafirði þegar starfsleyfið sem var fellt úr gildi var gefið út.
- b) Af hálfu stofnunarinnar þurfi að vinna á ný úr umsóknargögnum. Framkvæmdaraðili þurfi að gera betur grein fyrir valkostum varðandi framkvæmdina, sbr. niðurstöðu úrskurðarnefndar. Skipulagsstofnun og Umhverfisstofnun þurfi svo að meta hvort þær upplýsingar sem berist frá framkvæmdaraðila séu fullnægjandi svo hægt verði að vinna áfram að útgáfu starfsleyfis. Framkvæmdaraðili hafi þegar hafið vinnu með

- Skipulagsstofnun við umfjöllun um frekari valkostagreiningu. Ekki liggi fyrir á þessari stundu hversu langan tíma það ferli muni taka. Umhverfisstofnun fylgist með þeirri vinnu og taki svo afstöðu til viðbótargagna við leyfisveitingu. Þá verði farið í að auglýsa starfsleyfistillögu að nýju þar sem gefist tækifæri til athugasemda áður en starfsleyfi verði hugsanlega gefið út að nýju.
- c) Arctic Sea Farm hf. hafi ekki sett út seiði í Patreks- og Tálknafirði. Vísað er til þess að í upplýsingum framkvæmdaðila til atvinnuvega- og nýsköpunarráðuneytisins varðandi útgáfu á rekstrarleyfis til bráðabirgða segi að nauðsynlegt sé að bráðabirgða rekstrarleyfi verði gefið út til framleiðslu á 6.800 tonnum á ári en innan gildistíma bráðabirgðaleyfis verði þó lífmassi mun minni. Áætlað sé að setja um 1,4 milljónir seiða á staðsetningu í Patreksfirði í maí og um 1,3 milljónir sjóögnguseiða í Tálknafjörð í lok ágúst. Í starfsleyfi Umhverfisstofnunar hafi umfang starfseminnar heimilað 6.800 tonn af laxi á ári (að hámarki 7.800 tonna lífmassa á hverjum tíma).
 - d) Framleiðsla á seiðum hafi ekki verið hluti af hinu ógilta starfsleyfi. Arctic Sea Farm hf. hafi verið að framleiða seiði í sérstakri seiðaeldisstöð Arctic Smolt ehf. í Tálknafirði sem hafi til þess starfsleyfi frá Umhverfistofnun. Umhverfisstofnun líti svo á að framleiðsla á seiðum sé háð starfsleyfi samkvæmt lögum um hollustuhætti og mengunarvarnir nema í þeim sérstökum tilvikum þar sem eldi fari fram án fóðrunar.
 - e) Umhverfisstofnun byggi eftirlit sitt á skilyrðum gildandi starfsleyfis hverju sinni eða eftir atvikum skilyrðum undanþágu. Ef starfsleyfi eða undanþága sé ekki til staðar eða ef ekki sé farið að skilyrðum starfsleyfis/undanþágu sé frávik skráð og því fylgt eftir. Ef umbeðin undanþága yrði veitt myndi framkvæmdaraðili hafa heimild til útsetningar seiða og aðala þau samkvæmt ákvæðum hins ógilta starfsleyfis. Mikilvægt sé að taka fram að starfsleyfið hafi ekki verið fellt úr gildi á þeim forsendum að skilyrði skorti um mengunarvarnir og telji stofnunin að ákvæði þess ásamt nýjum staðsetningum séu fullnægjandi.
 - f) Rétt sé að framkvæmdaraðila verði gert að fara að ákvæðum hins ógilda starfsleyfis verði undanþága veitt. Framkvæmdaraðila skuli gert að vinna með virkum hætti að starfsleyfisumsókn sinni og veita allar upplýsingar fljótt og vel sem stofnanir óski eftir við vinnslu starfsleyfis.

Umhverfisstofnun mælir með því í umsögn sinni að framkvæmdaraðila verði veitt undanþága frá starfsleyfi á meðan unnið er að ákvörðun um útgáfu starfsleyfis á ný. Umhverfisstofnun telur rétt að miða við að undanþágan gildi í allt að tíu mánuði, til samræmis við þá heimild sem nýleg breyting á lögum um fiskeldi geri ráð fyrir hvað varðar rekstrarleyfi til bráðabirgða.

3. Umsögn Skipulagsstofnunar.

Í umsagnarbeiðni ráðuneytisins til Skipulagsstofnunar var óskað eftir umsögn Skipulagsstofnunar um það hvort og þá að hvaða leyti fyrir lægi mat á umhverfisáhrifum vegna eldisframkvæmdanna og/eða ákvörðun um matsskyldu þeirra. Jafnframt var óskað eftir frekari upplýsingum ef þær væru tiltækar.

Í umsögn Skipulagsstofnunar frá 25. október 2018 kemur fram að framkvæmdirnar hafi undirgengist mat á umhverfisáhrifum og að fyrir liggi matsskýrsla framkvæmdaraðila frá 6. maí 2016 og álit Skipulagsstofnunar frá 23. september 2016. Jafnframt liggi fyrir ákvörðun Skipulagsstofnunar frá 11. apríl 2018 um að breyting á staðsetningu eldissvæða í Patreksfirði skuli ekki háð mati á umhverfisáhrifum.

Skipulagsstofnun hafi áður upplýst að stofnunin telji að unnt eigi að vera að koma til móts við framkomna úrskurði með því að taka saman greinargerð um valkosti og fjalla um í leyfisveitingaferli, án þess að fram fari málsméðferð samkvæmt lögum um mat á umhverfisáhrifum. Einnig komi til greina að málsméðferð fari fram að nýju samkvæmt lögum um mat á umhverfisáhrifum. Forsendur stofnunarinnar fyrir því að leggja til fyrرنefndu leiðina sé að fyrir liggi að ekki sé í reynd um að ræða aðra raunhæfa valkosti, heldur skýrslugerð sem feli í sér að útskýra þróun þeirrar framkvæmdatilhögunar sem hafi orðið ofan á, sem og að fjalla um þá kosti sem tilgreindir séu í úrskurðum úrskurðarnefndar. Stofnunin hafi þó lagt áherslu á að það sé framkvæmdaraðila að ákveða hvort hann telji þörf á eða kjósi að fara í ítarlegri málsméðferð.

Arctic Sea Farm hf. hafi, í framlögðum viðbótargögnum til atvinnuvega- og nýsköpunarráðuneytisins þann 16. október 2018, sett fram tillögu að ítarlegri málsmæðferð í því skyni að bæta úr þeim annmörkum sem úrskurðarnefndin hafi talið vera á undirbúnungi vegna leyfis fyrirtækisins. Skipulagsstofnun kveðst í öllum aðalatriðum vera sammála þeirri tillögu sem þar sé lögð fram og telji jafnframt að sá tímarammi sem þar sé settur fram eigi að geta verið raunhæfur, enda verði framvinda málá markviss af hálfu framkvæmdaraðila og fái sérstakan forgang hjá viðkomandi stjórnvöldum þegar þau komi til umfjöllunar og afgreiðslu. Stofnunin telji að tímamörk undanþágu frá starfsleyfi eigi að taka mið af tímaáætlun sem sé sett fram í viðbótargögnum framkvæmdaraðila frá 16. október sl., að viðbættum þeim tíma sem leyfisveitendur telji að þurfa koma til eftir að álit Skipulagsstofnunar liggi fyrir.

Skipulagsstofnun telji að í tímabundinni undanþágu frá starfsleyfi eigi ekki að hvika frá þeim umhverfiskröfum sem gengið sé út frá í mati á umhverfisáhrifum framkvæmdanna og þeim leyfum sem felld hafi verið úr gildi. Skipulagsstofnun telur jafnframt mikilvægt að skýrt komi fram í tímabundinni undanþágu frá starfsleyfi hver skuli hafa eftirlit með starfseminni á meðan undanþágan sé í gildi.

Í umsögn Skipulagsstofnunar segir að stofnunin geri ekki athugasemdir við að veitt verði tímabundin undanþága frá starfsleyfi til rekstraraðila og telur að við þá ákvörðun eigi að horfa til þess að undanþágan veiti svigrúm til að bæta úr áðurnefndum annmörkum miðað við markvissa framvindu í þeim málum af hálfu bæði framkvæmdaraðila og stjórnvalda sem og að tryggð sé sambærileg umhverfisvernd, vöktun og eftirlit og gengið er út frá í mati á umhverfisáhrifum framkvæmdanna og þeim leyfum sem felld hafi verið úr gildi.

4. Umsögn Matvælastofnunar.

Í umsögn Matvælastofnunar frá 22. október 2018 segir að ljóst sé að fyrrgreindur úrskurður úrskurðarnefndarinnar muni að óbreyttu hafa gríðarleg neikvæð áhrif á starfsemi Arctic Sea Farm hf. og þau samfélög þar sem fyrirtækið starfi, sbr. erindi fyrirtækisins frá 12. október 2018 og minnisblöð Byggðastofnunar um blikur á lofti í atvinnulífi Vestfjarða og byggðaleg áhrif fiskeldis á Vestfjörðum, sem stofnunin hafi undir höndum vegna erindis um rekstrarleyfi til bráðabirgða, sbr. 2. mgr. 21. gr. c laga nr. 71/2008.

Í umsögn stofnunarinnar segir að lög nr. 71/2008 um fiskeldi taki til eldis vatnafiska og nytjastofna sjávar á íslensku forráðasvæði og fari Matvælastofnun með framkvæmd laganna og sinni eftirliti með því að ákvæðum laganna sé fylgt.

Matvælastofnun bendir á að í 21. gr. c laga um fiskeldi segi að sé fiskeldisstöð rekin án þess að rekstrarleyfi sé í gildi skuli Matvælastofnun stöðva starfsemina. Beri lögreglu að veita Matvælastofnun liðsinni ef tilefni sé til í því skyni. Í þessum tilvikum sé Matvælastofnun heimilt að slátra eða farga eldisdýrum, fjarlægja búnað sem notaður hafi verið til starfseminnar og gera aðrar nauðsynlegar ráðstafanir, sbr. 21. gr. b laganna á kostnað þess aðila sem rekið hafi fiskeldisstarfsemi án leyfis. Úrræðið sé byggt á þeim almennu sjónarmiðum stjórnsýsluréttarins sem kveða á um að þegar leyfi sem stjórnvald hefur veitt sé fellt úr gildi hafi sá sem leyfið fékk ekki lengur rétt til þeirra athafna sem leyfið var forsenda fyrir.

Í umsögninni kemur fram það mat Matvælastofnunar að sambærileg sjónarmið eigi við varðandi ákvarðanir atvinnuvega- og nýsköpunarráðherra um veitingu bráðabirgðarekstrarleyfis skv. 21. laga nr. 71/2008 og um undanþágu umhverfis- og auðlindaráðherra frá kröfu um starfsleyfi samkvæmt lögum nr. 7/1998.

Að mati Matvælastofnunar ber að líta til þess að Arctic Sea Farm hf. hafi hafið starfsemi sína í góðri trú og hafi haft réttmætar væntingar fyrir starfsemi sinni og framkvæmdum samkvæmt útgefnu leyfi. Mikilvægt sé að stjórnsýsluákvarðanir sem teknar séu um starfsemi fyrirtækisins hafi ekki í för með sér eyðileggingu verðmæta að óþörfu sem og að fyrirtækinu verði gert kleift að bæta úr annmarka þeim sem úrskurðarnefndin hafi talið vera á útgáfu rekstrarleyfisins og/eða að fyrirtækinu verði tryggður sá réttur að láta reyna á lögmæti ógildingarinnar fyrir almennum dólmstólum og að það úrræði sé í raun og veru til staðar. Með því sé átt við að slíkar stjórnsýsluákvarðanir valdi ekki

ótafturkræf tjóni og röskun á starfseminni áður en niðurstaða dómstóla liggi fyrir. Sérstaklega beri að hafa í huga varðandi síðastnefnda sjónarmiðið að starfsemi fyrirtækisins á grundvelli leyfisins sé hafin og búið sé að leggja í mikla fjárfestingu vegna útgefinna leyfa Matvæla- og Umhverfisstofnunar. Þannig hafi fyrirtækið hafið framleiðslu seiða á grundvelli leyfisins og gert ráðstafanir varðandi búnað og uppsetningu hans. Vísað sé í erindi fyrirtækisins um afleiðingar þess að ekki verði hægt að starfa í samræmi við útgefin leyfi.

Matvælastofnun bendir á að í erindi fyrirtækisins frá 16. október 2018 til atvinnuvega og nýsköpunarráðuneytisins vegna beiðnar um bráðabirgðarekstraleyfi sé bæði að finna útlistun á hversu langan tíma það kunni að taka að fá úrlausn málsins fyrir dómstólum sem og tímasetta verkáætlun um hvernig fyrirhugað sé að bæta úr þeim ágöllum sem úrskurðarnefnd umhverfis- og auðlindamála telj vera á umhverfismatinu. Áætlað sé að ferlið taki a.m.k. sjó mánuði og til viðbótar megi af fenginni reynslu gera ráð fyrir einhverjum töfum, auk þess sem gera þurfi ráð fyrir málsmeðferð vegna leyfisumsókna hjá bæði Matvælastofnun og Umhverfisstofnun. Sá fyrirvari sé settur í erindinu að eftir eigi að kynna áætlunina fyrir Skipulagsstofnun og leita leiðsagnar stofnunarinnar um framhaldið. Matvælastofnun hafi hvorki forsendur til að gera athugasemdir við þær áætlanir sem fyrirtækið hafi kynnt fyrir ráðuneytinu til að leita úrlausna dómstóla né bæta úr meintum ágalla á umhverfismati.

Að mati Matvælastofnunar mæla ríkar ástæður með því að fallist verði á beiðni fyrirtækisins um undanþágu ráðherra frá kröfum um starfsleyfi.

5. Athugasemdir kærenda í máli nr. 4/2018 hjá úrskurðarnefnd umhverfis- og auðlindamála.

Þann 2. nóvember 2018 bárust ráðuneytinu í bréfi athugasemdir frá Óttari Yngvayni, f.h. níu kærenda í máli nr. 4/2018 hjá úrskurðarnefnd umhverfis- og auðlindamála. Í bréfinu koma fram athugasemdir um mögulegt vanhæfi Matvælastofnunar, Skipulagsstofnunar og Umhverfisstofnunar til að veita umsagnir í málinu. Ráðuneytið bendir á að umsagnir framangreindra stofnana fela í sér faglegt álit þeirra í samræmi við hlutverk umræddra stofnana eins og þau eru tilgreind í lögum nr. 7/1998 um hollustuhætti og mengunarvarnir, lögum nr. 71/2008 um fiskeldi, skipulagslögum, nr. 123/2010, lögum nr. 90/2002 um Umhverfisstofnun og lögum nr. 30/2018 um Matvælastofnun. Umræddar umsagnir eru auk þess ekki bindandi við meðferð máls þessa og fela ekki í sér töku stjórnvaldsákvörðunar. Eiga ákvæði stjórnsýslulaga, nr. 37/1993, um sérstakt vanhæfi því ekki við þegar um er að ræða gerð slíkra umsagna, en þau lög gilda um stjórnvaldsákvarðanir, þ.e. þegar stjórnvöld taka ákvarðanir um rétt eða skyldu manna. Auk þessa bendir ráðuneytið á að vanhæfisástæður geta eingöngu átt við um tiltekinn starfsmann eða nefndarmann og getur stofnun ekki talist vanhæf til meðferðar máls í skilningi stjórnsýsluréttarins.

Í bréfinu er þess krafist að ráðherra hafni eða vísi frá umsókn um undanþágu frá starfsleyfi þar sem engin lög standi til þess að leyfa starfsemi umsækjanda til skemmri eða lengri tíma án þess að lögbundið mat á umhverfisáhrifum hafi farið fram. Fram kemur að kærendur hafi farið í lauslega athugun á þeim undanþágum sem ráðherra hafi veitt síðasta áratug og telji að ráðherra hafi hingað til aldrei beitt undanþáguheimild laga nr. 7/1998 í tilvikum þar sem framkvæmdir eða starfsemi falli undir lög nr. 106/2000.

Í bréfinu segir að tilskipun 2011/92/ESB heimili ekki að víkja frá málsmeðferð mats á umhverfisáhrifum nema í sérstökum tilvikum, sbr. 4. mgr. 2. gr. hennar, og þá skuli ríki veita borgurunum upplýsingar og tilkynna framkvæmdastjórn Evrópusambandsins fyrir fram um beitingu slíkrar undanþágu. Samkvæmt tilskipun 2014/52/ESB um breytingu á fyrrgreindri tilskipun, verði slík ákvörðun einungis tekin um framkvæmd í heild sinni og í því tilviki að ákvæði tilskipunar 2011/92/ESB um málsmeðferð við mat á umhverfisáhrifum myndi hafa neikvæð áhrif á framkvæmdina og tilgangi reglnanna væri allt að einu náð. Skilyrði fyrir beitingu þessarar undanþágu séu nokkur skv. 4. mgr. 2. gr. tilskipunarinnar. Hvorki þau skilyrði né skilyrði 5. mgr. ákvæðisins virðist vera uppfyllt, en 5. mgr. hafi komið inn með tilskipun 2014/52/ESB. Þá segir að undanþáguheimild laga nr. 7/1998 eigi sér enga stoð í reglum EES-réttar þegar um sé að ræða leyfisveitingar fyrir matsskylda starfsemi.

Í athugasendum segir að ekki verði séð að undanþáguheimild ráðherra hafi, frá því hún hafi fyrst verið leidd í lög með gildistöku laga nr. 7/1998, verið ætlað að eiga við um framkvæmd eða starfsemi

sem hafi svo umtalsverð umhverfisáhrif að hún lúti málsmeðferð samkvæmt lögum nr. 106/2000 um mat á umhverfisáhrifum. Lög nr. 7/1998 gildi um margskonar eðlisólika starfsemi sem annars vegar varði hollustuhætti og hins vegar mengun. Í langfæstum tilvikum sé um að ræða starfsemi sem hafi svo mikil áhrif á umhverfið að áhrif hennar þurfi að meta með tilliti til umhverfisáhrifa samkvæmt lögum nr. 106/2000. Upphaflega lagaákvæðið hafi verið í 7. gr. laga nr. 7/1998 og hafi hljóðað við setningu laganna svo: „Pegar sérstaklega stendur á getur ráðherra, að fenginni umsögn heilbrigðisnefndar eða Hollustuverndar ríkisins, veitt undanþágu frá einstökum greinum reglugerða sem settar eru skv. 4. og 5. gr.“ Ljóst sé af samhenginu að heimild ráðherra hafi ekki náð til þess að leyfa mengandi starfsemi án starfsleyfis, heldur til að víkja frá einstökum kröfum reglugerða sem hann skyldi setja í samræmi við ákvæði laganna. Verði þannig ekki séð að undanþáguheimild ráðherra hafi, þegar hún hafi verið leidd í lög, verið ætlað að ná til þess að hann veitti undanþágu frá kröfum um starfsleyfi, heldur fremur að henni hafi einungis verið ætlað veita ráðherra í undantekningartilvikum heimild til að veita undanþágu frá tilteknum kröfum í reglugerð og starfsleyfi sem væri í gildi. Með lögum nr. 98/2002 hafi lögum nr. 7/1998 verið breytt í því skyni að styrkja lagastoð vegna starfsleyfisútgáfu og kveða skýrt á um að óheimilt væri að hefja rekstur án útgefins starfsleyfis, en ekki hafi ætlunin verið að breyta framkvæmd laganna. Ekki sé í greinargerð með lagabreytingunni að finna sérstaka skýringu á breyttu orðalagi ákvæðisins, það sé vísað til „undanþágu frá starfsleyfi“ í stað orðalagsins „undanþágu frá einstökum greinum reglugerða“, en ljóst virðist af framangreindu samhengi að ekki hafi í öllu falli verið ætlunin að víkka út undanþáguheimild ráðherra, sbr. einnig orðalagið „ríkar ástæður“ og „tímatímabundna“.

Í stjórnsýsluframkvæmd virðist hafa verið talið að ekki væri ástæða til að undanþáguheimildin næði lengra, í þeim tilvikum sem hún gæti náð til þess að heimila starfsemi tímatímabundið, en að veita fyrirtækjum leyfi til að starfa í skamman tíma við þær aðstæður að starfsleyfi þeirra væru að renna út og Umhverfisstofnun hafi enn ekki náð að endurnýja leyfi þeirra. Vísað er í því sambandi til umfjöllunar í drögum að frumvarpi umhverfis- og auðlindaráðherra 15. janúar 2016, en þar sagði í greinargerð: „Telja verður afar mikilvægt að skýrt sé hvaða kröfur séu gerðar til þeirrar starfsemi sem fellur undir umrædda löggjöf og að nánar sé afmarkað í hvaða tilvikum unnt sé að veita undanþágur frá slíkum kröfum. Í frumvarpi þessu er því lagt til að heimild ráðherra verði afmörkuð þannig að undanþágur frá ákvæðum reglugerða verði eingöngu veittar tímatímabundið og einungis í þeim tilvikum þegar gert er ráð fyrir þeim í viðkomandi reglugerðum. Þá er lagt til að í stað heimildar ráðherra til að veita undanþágu frá starfsleyfi hafi Umhverfisstofnun heimild til að framlengja gildistíma starfsleyfa á meðan nýtt starfsleyfi er í vinnslu, enda hafi fullnægjandi umsókn um nýtt starfsleyfi borist. Mikilvægt er að rekstraraðili hafi ætíð starfsleyfi og eðlilegra að leyfisveitandi framlengi gildistíma starfsleyfis í stað ráðherra eins og nú er.“

Veiti ráðherra undanþágu í því máli sem hér liggi fyrir, væri það ekki aðeins í fyrsta sinn sem veitt væri undanþága fyrir starfsemi sem hefur svo mikil áhrif á umhverfið að skylt sé að meta áhrif hennar á umhverfið, heldur gengi ráðherra gegn þeirri stjórnsýsluframkvæmd að undanþága væri aldrei veitt nema að því tilskyldu að umsækjandi hefði skilað inn fullnægjandi umsókn um starfsleyfi. Að gengnum úrskurði úrskurðarnefndarinnar í máli nr. 4/2018 liggi fyrir bindandi niðurstaða þar til bærs aðila, hliðsettu stjórnvaldi við ráðherra, um að fullnægjandi starfsleyfisumsókn umsækjanda hafi ekki legið fyrir. Ráðherra sé ekki rétt að ganga gegn úrlausn úrskurðarnefndarinnar að þessu leyti frekar en öðru. Umsókn liggi enn ekki fyrir svo fullnægjandi sé, enda sé ljóst að ekki hafi verið bætt úr annmörkum þeim er úrskurðarnefndin hafi fundið á henni og grundvelli hennar.

Í máli þessu komi einnig til skoðunar 4. mgr. 5. gr. reglugerðar nr. 550/2018 varðandi undanþáguheimildina. Ljóst sé að samkvæmt reglugerðarákvæðinu sé ekki gert ráð fyrir að undanþága sé veitt nema (i) fullnægjandi starfsleyfisumsókn sé fram komin og (ii) fyrir liggi mat á umhverfisáhrifum, ef við eigi. Þessi ákvæði eigi við í þessu máli, ef undanþáguheimild teljist á annað borð tæk. Fullnægjandi starfsleyfisumsókn sé ekki fram komin, eðli málsins samkvæmt. Og gilt mat á umhverfisáhrifum liggi ekki fyrir og heldur ekki sérstök ákvörðun um matsskyldu framkvæmdarinnar. Í ákvæðum þessum felist sérstök þrenging á heimild ráðherra til að veita undanþágu frá kröfum um starfsleyfi. Þá segi í reglugerðarákvæðinu að við veitingu undanþágu skuli kveða á um að fylgt skuli ákvæðum starfsleyfis eða starfsleyfistillögu. Í máli þessu sé þetta ómögulegt, þar sem aðeins liggi fyrir starfsleyfi, sem sætt hafi ógildingu. Reglugerðarákvæðið staðfesti sjónarmið kærenda, að undanþága sé ekki tækt úrræði að lögum eins og standi á í þessu

tiltekna máli. Ráðherra sé að lögum meinað að veita umbeðna undanþágu frá starfsleyfi.

Í athugasemdum umræddra aðila segir að ekkert samráð við almennung hafi farið fram er umhverfis- og samgöngunefnd Alþingis hafi lagt til framangreinda breytingu á frumvarpinu. Frumvarp ráðherra hafi verið til kynningar frá 11. apríl 2017 og síðasta umsögnin borist 15. maí 2017, en alls hafi 19 aðilar sent Alþingi umsögn um frumvarpið. Enginn umsagnaraðilanna hafi gert athugasemd við það að í frumvarpinu væri gert ráð fyrir að fella niður undanþáguheimild til handa ráðherra varðandi starfsleyfi til mengandi starfsemi. Í breytingartillögu umhverfis- og samgöngunefndar 29. maí 2017 hafi hins vegar verið nýr málslíður sem hvergi hafi verið vikið orði að í meðfórum Alþingis á stjórnarfrumvarpinu á 276. þingmáli á 146. löggjafarþingi: Ráðherra er heimilt, ef ríkar ástæður mæla með því og að fenginni umsögn Umhverfisstofnunar og eftir atvikum heilbrigðisnefndar, að veita tímabundna undanþágu frá kröfu um starfsleyfi“. Svona hljóði lagaákvæðið nú og þessi texti sé nánast samhljóða því lagaákvæði sem hafi áður verið í lögnum og fjallað hafi verið um áður í bréfi þessu; lagaákvæði sem ráðuneytið og starfshópurinn hafi lagt til í janúar 2016 að fellt yrði út af fyrrgreindum ástæðum og ráðherra hafi einnig í frumvarpi á 276. þingmáli í mars 2017 lagt til að væri ekki í lögnum. Þingnefndin hafi þó bætt orðunum „kröfu um“ inn í á undan orðinu starfsleyfi, frá ákvæðinu eins og það hafi verið í lögnum frá árinu 2002. Engin grein hafi verið gerð fyrir ákvæðinu í tillögu umhverfis- og samgöngunefndar í álti hennar um frumvarpið og þá af hverju nefndin hafi talið rétt að bæta því inn í frumvarpið þrátt fyrir áðurgreind rök sem fram hafi komið í undirbúningi frumvarpsins fyrir því að fella heimildina niður. Breytingalögin hafi verið afgreidd frá Alþingi 1. júní 2017, þremur dögum eftir að umhverfis- og samgöngunefnd hafi fyrst lagt til að ákvæðið um undanþáguheimildina kæmi inn í frumvarpið. Auk þess að þetta virðist einkar vondir lagasetningaráttir almennt séð, sé sú málsmæðferð sem hér hafi verið lýst í brýnni andstöðu við þjóréttarskuldbindingar Íslands skv. 8. gr. Árosasamnings um rétt almennings til aðgangs að upplýsingum, þátttöku almennings og réttláta málsmæðferð í umhverfismálum, sem fullgiltur hafi verið með ályktun Alþingis nr. 46/139 frá 16. september 2011. Samkvæmt ákvæðinu skuli almenningu eiga kost á að koma að athugasemdum sínum við fyrirhugaða lagasetningu. Lagastoð fyrir veitingu undanþágu fyrir starfsemi sem sé háð mati á umhverfisáhrifum sé framangreindum annmörkum háð og að slík ákvörðun yrði ógildanleg vegna annmarkans auk þess sem beiting ráðherra á undanþágunni í þessu tilviki bryti gegn alþjóðasamningi.

Í bréfinu segir að ekkert umhverfismat áætlunar hafi farið fram varðandi þá framkvæmd sem mál þetta fjalli um. Í 3. málslíð 1. mgr. 6. gr. laga nr. 7/1998 segi: „Allur atvinnurekstur sem sótt er um starfsleyfi fyrir skal vera í samræmi við skipulag samkvæmt skipulagslögum eða lögum um skipulag haf- og strandsvæða“. Svæði þau sem mál þetta varði í Tálknafirði og Patreksfirði séu utan netlaga og engar áætlanir þar um í skilningi laga nr. 105/2006 um umhverfismat áætlana hafi verið metnar m.t.t. umhverfisáhrifa. Nú hafi skipulagsskylda verið lögbundin með setningu framangreindra laga. Á meðan ekkert mat á umhverfisáhrifum hafi farið fram á skipulagsáætlunum í samræmi við lög nr. 105/2006, sem byggist að hluta á öðrum reglum en lögum nr. 106/2000, sé einkar óvarlegt að beita nokkurri undanþágu frá stefsleyfi þar sem það myndi jafnframt þýða að starfsemi færi fram þrátt fyrir að hvorki væri lokið umhverfismati á stigi áætlunar né fullnægjandi umhverfismati á stigi framkvæmdar. Af þessum sökum væri óvarlegt af ráðherra að veita umbeðna undanþágu á þessu stigi og hugsanlega einnig ólögmætt. Loks myndi veiting ráðherra á tímabundinni undanþágu frá kröfu um starfsleyfi í mengandi starfsemi sem sæta skuli mati á umhverfisáhrifum taka úr sambandi uppkveðna úrskurði úrskurðarnefndarinnar. Úrskurður í máli nr. 4/2018 stæði ekki lengur á meðan undanþága mundi gilda. Um leið sé ljóst að ákvörðun ráðherra yrði ekki borin undir úrskurðarnefnd umhverfis- og auðlindamála, sbr. lög nr. 130/2011. Af þessu leiði að lögmætur úrskurður óháðrar og sjálfstæðrar úrskurðarnefndar sem sé ætlað að veita réttláta málsmæðferð í tiltekinum umhverfismálum í samræmi við alþjóðasamninga, yrði „núllitet“ og umhverfismálin svipt réttlátri málsmæðferð. Að mati kærenda sé framangreint alvarlegt brot á þriðju stoð Árosasamningssins, það er réttinum til að bera ákvárdanir, athafnir og athafnaleysi stjórnvalda undir óháðan og sjálfstæðan úrskurðaraðila, þegar um sé að ræða framkvæmdir sem hafi mikil áhrif á umhverfið, þ.e. 9. gr. sbr. 6. gr. samningsins. Á sama hátt gengi íslenska ríkið með slíkri undanþágu gegn ákvæðum tilskipunar 2011/92/ESB með því að taka leyfi fyrir starfsemi umsækjanda með þessum hætti úr sambandi við lög nr. 106/2000 og lög nr. 130/2011, en í 11. gr. tilskipunarinnar sé mælt fyrir um að ákvárdanir sem veiti leyfi til framkvæmda eða starfsemi sem hafi mikil áhrif á umhverfið skuli þeir sem lögvarða hagsmuni hafi, m.a. umhverfisverndarsamtök, geta boríð undir dómkostól eða annan óháðan og sjálfstæðan úrskurðaraðila.

Réttur umhverfisverndarsamtaka til að láta reyna á endurskoðun ákvarðana fyrir óháðum og sjálfstæðum úrskurðaraðila væri að engu gerður. Almenna reglan sé auk þess sú, að stjórvaldsákvörðunum verði skotið til æðra stjórnsýslustigs. Væri þannig brotið gegn grundvallarreglum EES-réttar um skilvirkni og jafnrétti. Kærendur leggi áherslu á að það grundvallaratriði að mat á umhverfisáhrifum sé lagaskylda hvað varði tilteknar framkvæmdir og að í tilviki sjókvíalaxeldis Arctic Sea Farm hf. sé ekki deilt um að mat á umhverfisáhrifum sé lagaskylda. Sú skylda verði ekki felld niður með því að beita undanþágu í stað leyfis sem gefið hafi verið út skv. 13. gr. laganna og síðan ógilt vegna verulegs annmarka á því. Undanþága tæki þannig einnig úr sambandi rétt almennings til þess að bera ákvörðun undir óháðan aðila. Slíkt væri m.a. brot á EES-samningnum, en úrræði umhverfisverndarsamtaka til að fá endurskoðun ákvarðana verði að vera raunhæf og virk þegar mat á umhverfisáhrifum hafi ekki farið réttilega fram. Stjórnvöldum sé skylt að bregðast við og fella á brott leyfi sem veitt hafi verið í trássi við reglur um mat á umhverfisáhrifum, sbr. dóma Evrópudómstólsins í málum C-201/02, Wells, málsgreinar 64 til 66, C-215/06, framkvæmdastjórnin gegn Írlandi, málsgrein 59 og C-41/11, Inter-Environnement Wallonie og Terre wallonne, málsgreinar, 43, 44 og 46. Einnig er bent á að innlendar reglur sem heimili að mat á umhverfisáhrifum geti í vissum tilvikum farið fram eftir að starfsemi hafi hafist samrýmist ekki Evrópurétti þegar þær leiði til þess að framkvæmdaraðili geti farið í kringum reglur um mat á umhverfisáhrifum.

Í bréfinu er bent á að óheimilt sé að beita undanþáguheimild laga nr. 7/1998 nema ríkar ástæður séu fyrir hendi. Af umsókn Arctic Sea Farm hf. megi ráða að engin rík ástæða sé til staðar í þessu máli. Þar skipti mestu að Arctic Sea Farm hf. hafi ekki enn hafið laxeldisstarfsemi í Tálknafirði eða Patreksfirði og hafi aldrei haft. Þá sé ljóst að Arctic Sea Farm hf. muni ekki á næstu mánuðum hefja umhverfismatsskylda starfsemi á umræddum stöðum. Það að fyrirtækið Arctic Smolt ehf. hafi starfsleyfi fyrir 199 tonna seiðaeldi á landi að Norður-Botni í Tálknafirði breytti ekki þeirri staðreynd, enda sé það önnur starfsemi og annað fyrirtæki. Þegar af þeirri ástæðu beri ráðherra að hafna beiðni um undanþágu eða ella vísa beiðni um hana frá, eða í það minnsta hafna beiðni Arctic Sea Farm hf. að svo stöddu. Engin leið sé að skýra ákvæðið sem Arctic Sea Farm hf. byggi beiðni sína á, á þann hátt að Arctic Sea Farm hf. geti fyrir fram óskað undanþágu frá kröfu um starfsleyfi vegna starfsemi sem ekki liggi beinlínis fyrir í málun hvenær Arctic Sea Farm hf. hyggist hefja. Hvað þá þegar um sé að ræða starfsemi sem hafi svo mikil áhrif á umhverfið að mat á umhverfisáhrifum þurfi að fara fram samkvæmt lögum nr. 106/2000 og það mat hafi ekki farið réttilega fram. Arctic Sea Farm hf. verði í það minnsta að leitast við að bæta úr áðurgreindum annmörkum á umhverfismati áður en lengra sé heldið og fyrirtækið geti ekki komið sér undan þeirri lögbundnu skyldu.

Bent er á að í umsókn Arctic Sea Farm hf. og fylgiskjölum komi fram upplýsingar um tengsl fyrirtækisins við aðra aðila og starfsemi er tengist laxeldi samkvæmt umsókninni, sem sé ekki umhverfismatsskylt laxeldi í skilningi laga. Þannig sé það félagið Arctic Smolt ehf. sem hafi með höndum seiðaeldi, en það fyrirtæki virðist vera systurfélag Arctic Sea Farm hf. Seiðaeldið sé ekki framkvæmd sem eigi undir lög nr. 106/2000 og sé því hinu ógilta starfsleyfi Arctic Sea Farm hf. óviðkomandi. Jafnframt sé sú starfsemi umsókn umsækjanda um undanþágu frá kröfu um starfsleyfi óviðkomandi. Það hvort umsækjandi kaupi seiði af tengdu félagi eða ótengdu skipti ekki máli varðandi úrlausn máls þessa. Leyfi Arctic Smolt ehf. sé í gildi til 2020 og gildi ekki um eldi í sjó eða umhverfismatsskylda starfsemi.

Segir að fyrirtækið Arctic Smolt ehf. hafi keypt hrogn, klakið þau og hafið seiðaeldi í byrjun árs 2017 í því skyni að selja til Arctic Sea Farm hf. eftir að fyrirtækið hefði hafið hagnýtingu starfsleyfis sem ekki hafi þá verið til staðar. Verði fyrstnefnda fyrirtækið að bera hallann af því. Ef það fyrirtæki hafi nú yfir að ráða 1.600.000 seiðum, sem það geti ekki komið á legg og selt öðrum aðila en Arctic Sea Farm hf. vegna annarra gildra starfsleyfa hans, geti það ekki verið á ábyrgð neins nema hans sjálfs. Í umsókninni komi fram að 10 til 35 verktagar hafi verið að störfum við að byggja upp seiðaeldisstöð til að hagnýta leyfi umsækjanda sem ekki hafi legið fyrir endanlega. Hvergi komi fram að það sé Arctic Sea Farm hf. sem hafi haft þessa verktaga og virðist vera að hér sé frekar átt við fyrirtækið Arctic Smolt ehf. Að því leyti sem afleitt tjón myndi verða á fyrirhugaðri starfsemi umsækjanda í tengslum við skuldbindingar hans verði hann samkvæmt almennum reglum að takmarka það tjón sitt en geti ekki velt því yfir á almenning í landinu. Ekki verði séð að þau rök geti verið málefnaleg í skilningi 4. málslíðar 1. mgr. 6. gr. laga nr. 7/1998 að starfsemi fyrirtækjasamstæðu gæti raskast á

meðan Arctic Sea Farm hf. sinni lagaskyldu sinni samkvæmt ákvæðum laga nr. 106/2000, enda gengju slík sjónarmið gegn markmiði laganna og undanþága byggð á slíkum rökum myndi vega að sjálfbum tilgangi og tilvist mats á umhverfisáhrifum. Þá sé hafnað þeim sjónarmiðum Arctic Sea Farm hf. að fái fyrirtækið ekki undanþágu verði réttur Arctic Sea Farm hf. til þess að fá úrlausn dómstóla á úrskurði úrskurðarnefndarinnar ekki raunhæfur og virkur. Þvert á móti hafi Arctic Sea Farm hf. haft allgóðan tíma nú þegar til þess að óska flýtimeðferðar héraðsdóms skv. XIX. kafla laga nr. 91/1991 um meðferð einkamála og fá gefna út réttarstefnu. Liðinn sé meira en mánuður frá því að úrskurðarnefndin hafi kveðið upp fyrrí úrskurð sinn í máli nr. 3/2018 sem varðaði útgáfu Matvælastofnunar á rekstrarleyfi, og fullar fjórar vikur frá því að úrskurður hafi fallið um starfsleyfið. Bent er á að umhverfisverndarsamtök þurfi að sæta því samkvæmt lögum nr. 130/2011 að hafa aðeins einn mánuð til að kæra leyfi sem veitt séu fyrir framkvæmdum og starfsemi sem sæti mati á umhverfisáhrifum samkvæmt lögum nr. 106/2000 og verði að ætla að mánuður sé nægur tími til að koma drögum að réttarstefnu ásamt beiðni um flýtimeðferð í hendur dómstjóra ef þörfin sé brýn.

Í bréfinu segir að sökum þess sem fram hafi komið sé rangt af hálfu Arctic Sea Farm hf. að halda því fram að starfsemi hans verði sjálfhætt vegna atvika sem varði mál úrskurðarnefndarinnar nr. 4/2018. Engu verði hætt sem ekki hafi hafist. Tilvísun til væntanlegrar rekstrarstöðvunar sé máli þessu óviðkomandi af sömu sökum. Tilvísun til þess að ekki sé unnt að flytja seiði Arctic Sea Farm hf. eigi ekki við, enda hafi umsækjandi ekki hafið starfsemina sem byggi á hinu ógilta leyfi, og tilvísun til umsagnar Matvælastofnunar þar að lútandi eigi ekki við um starfsemi umsækjanda, heldur annars aðila.

Í framlögðum athugasemdum segir að það sé rangt að umsækjandi hafi verið í góðri trú. Í 2. mgr. 9. gr. laga nr. 106/2000 segi að framkvæmdaraðili skuli ávallt gera grein fyrir helstu möguleikum sem til greina komi og umhverfisáhrifum þeirra og bera þá saman. Í 5. gr. tilskipunar 2011/92/ESB sé sama krafa tilgreind sem ein af fimm lágmarkskröfum sem aðildarríki EES-samningsins verði að hafa í umhverfismatslöggjöf sinni. Í reglugerð nr. 660/2015 um mat á umhverfisáhrifum sé þessi krafa nánar útfærð í 1. og 3. tölul. 2. mgr. 20. gr., sem fjalli um efni frummatsskýrslu. Þá verði ekki litið fram hjá því að Arctic Sea Farm hf. hafi notið ráðgjafar sérfróðra aðila við mat á umhverfisáhrifum, Teiknistofunnar Eikar, síðar Verkíss. Eigandi Haffjarðarár hafi gert athugasemd í ferli umhverfismatsins þann 1. desember 2015 og þar hafi komið fram afdráttarlaus tilvísun til framangreinds en því hafi ekki verið sinnt. Sama athugasemd hafi komið fram við starfsleyfistillögu Umhverfisstofnunar frá 15. maí 2017 og hafi hún verið ítrekuð 21. ágúst 2017. Þetta atriði hafi einnig verið meðal kæruatriða í kæru til úrskurðarnefndarinnar 14. janúar 2018. Arctic Sea Farm hf. hafi vissulega verið ósammála þessum athugasemdum en fyrirtækið hafi aldrei verið í góðri trú.

Bent er á að fjöldi athugasemda hafi komið fram á öllum stigum í ferli umhverfismatsins um valkostí, ekki síst varðandi umfang fyrirhugaðs laxeldis. Einnig er bent á að hagsmunir þeirra sem kærðu umrædd leyfi, almennings í landinu og umhverfisins, þar með talið samfélagsins, séu hér einnig í húfi auk hagsmuna Arctic Sea Farm hf. og að mat á umhverfisáhrifum fari síður en svo fram í tömarúmi.

Auk þess sem því er mótmælt af hálfu umræddra aðila að laxeldi annarra aðila á svæðinu hafi þýðingu í þessu máli segir í athugasemdum að því sé mótmælt sem haldið sé fram um þýðingu laxeldis almennt á íbúaþróun. Samkvæmt tölum Hagstofu Íslands um íbúaþróun í Vesturbyggð og Tálknafirði árin 2015 til 2017 hafi íbúum á Tálknafirði fækkað um 59 á þessum þremur árum en fjölgæð í Vesturbyggð um samtals 16 sömu þrjú ár. Ekkert raunhæft hagsmunamat hafi farið fram, annars vegar á fyrirhuguð laxeldi Arctic Sea Farm hf. í Patreksfirði og Tálknafirði og hins vegar hagsmunum rúmlega 1800 lögbýla sem hafi tekjur af lax- og silungsveiðihlunnindum. Skráðir eigendur lögbýlanna séu um 5000 talsins. Efnahagsleg velta af þessum náttúrunytjum miðað við grunn frá Hagfræðideild Háskóla Íslands sé um 15-20 milljarðar á ári og skapi um 1200 ársstörf, aðallega í brothættum byggðum í sveitum landsins. Eignarrétturinn sé friðhelgur og raunveruleg hætta sé á því að gangi áform fiskeldismanna eftir muni það hafa verulega neikvæð áhrif á veiðihlunnindi á Íslandi og valda stórkostlegu tjóni.

Í bréfinu segir að kærarendur í umræddu máli fyrir úrskurðarnefndinni og almenningur eigi mikilla hagsmuna að gæta, að ekki sé stefnt í haettu lífríki margra lax- og silungsveiðiáa með erfðamengun frá framandi aðskotadýri, þ.e. erlendum kynbættum eldislaxi, sem enginn mótmæli að muni sleppa í

meira eða minna mæli úr fyrirhuguðu sjókvíaeldi í Patreksfirði og Tálknafirði, að ekki sé minnst á lú safár og sjúkdómasmit og stórfellda saur- og fóðurleifamengun í nágrenni eldiskvíanna. Vist sé að eldisfiskurinn muni dreifa sér í veiðiár allt í kringum landið eins og nýleg reynsla sýni. Nú þegar séu farnir að veiðast eldislaxar í ýmsum veiðiám landsins, t.d. í Arnarfirði, Ísafjarðardjúpi, Steingrímsfirði, Vatnsdalsá og í Eyjafjarðará og það án þess að tilkynnt hafi verið um sleppitjón, eins og fram hafi komið í fjölmöldum. Tugir eða hundruð stroklaxa séu á bak við hvern stangveiddan eldislax. Þannig hafi Leó Alexander Guðmundsson, líffræðingur hjá Hafrannsóknastofnun, upplýst nýlega í blaðaviðtali að eldislaxar þeir sem veiðst hafi á þessu ári gefi aðeins takmarkaða mynd af stöðu mála þar sem eldislaxinn hafi tilhneigingu til að ganga seinna upp í árnar en villti laxinn og því megi ætla að raunverulegur fjöldi eldislaxa í ám landsins muni ekki koma fram fyrr en stangaveiðítímabilinu ljúki. Peir eldislaxar sem hafi veiðst í ánum séu aðeins toppurinn á ísjakanum. Samkvæmt skýrslum Hafrannsóknastofnunar sýni reynslan bæði hér á landi sem og annars staðar, að allar veiðiár landsins séu í hættu, hvar sem eldið sé staðsett, eins og getið hafi verið um í kerau kærenda 14. janúar 2018 í máli úrskurðarnefndarinnar nr. 4/2018.

Til að setja þetta í fjárhagslegt samhengi þá séu 100 helstu laxveiðiár á skrá Landssambands veiðifélaga með samtals um 400 laxveiðistangir og heildarveiði 40 – 50 þúsund laxa. Verðmæti hvernarr stangar sé að meðaltali a.m.k. kr. 500 milljónir. Samtals verðmæti þessara 100 laxveiðiáa sé þá um kr. 200 milljarðar. Þessi náttúruverðmæti séu öll í meiri eða minni hættu sakir strokufiska úr sjókvíaeldi með norskum laxastofni. Pessir beinu hagsmunir séu til muna meiri en sjókvíaeldi norskra auðhringa og risaeldisfyrirtækja sem hafi sótt í ókeypis afnot af íslenskum fjörðum, að ekki sé minnst á eyðileggingu óspilltrar náttúru landsins, sem ekki verði metin til fjár.

Því séu landsbyggðarsjónarmið meðal þess sem búi að baki athugasemdum viðkomandi aðila. Tekjur af nýtingu íslenskra fallvatna með laxa- og silungastofnum séu mikilvægur þáttur í að byggð geti haldist í samfélögum sem eigi undir högg að sækja samfara hnignun hefðbundinna landbúnaðargreina. Því séu ríkir almannahagsmunir af því að laxeldi í opnum sjókvíum skjóti ekki frekari rótum. Verði verðmæti íslenskrar náttúru verði seint reiknað til verðs.

6. Forsendur og niðurstaða.

Í 1. mgr. 6. gr. laga nr. 7/1998 um hollustuhætti og mengunarvarnir er kveðið á um að allur atvinnurekstur, sbr. I-V. viðauka laganna, skuli hafa gilt starfsleyfi, sbr. þó 8. gr. laganna. Ráðherra er heimilt samkvæmt 4. ml. 1. mgr. 6. gr., ef ríkar ástæður mæla með og að fenginni umsögn Umhverfisstofnunar og eftir atvikum heilbrigðisnefndar, að veita tímabundna undanþágu frá starfsleyfi.

Samkvæmt 4. mgr. 5. gr. reglugerðar nr. 550/2018 um losun frá atvinnurekstri og mengunarvarnaeftirlit er ráðherra heimilt, ef ríkar ástæður mæla með því og að fenginni umsögn Umhverfisstofnunar og eftir atvikum heilbrigðisnefndar, að veita tímabundna undanþágu frá kröfu um starfsleyfi, sbr. 1. mgr., enda sé fram komin fullnægjandi starfsleyfisumsókn til útgefanda starfsleyfis og, ef við á, að fyrir liggi mat á umhverfisáhrifum eða niðurstaða um matsskyldu starfseminnar. Afmarka skal undanþágu við þá þætti sem nauðsyn krefur í samræmi við þá meginreglu að allur atvinnurekstur skuli hafa gilt starfsleyfi. Við veitingu undanþágu skal kveða á um að rekstraraðili fylgi öðrum ákvæðum útgefins starfsleyfis eða starfsleyfistillögu og skýrslugjöf rekstraraðila til útgefanda starfsleyfis um framgang nauðsynlegra úrbóta sem tengjast forsendum undanþágu.

Samkvæmt beiðni óskar Arctic Sea Farm hf. eftir undanþágu frá starfsleyfi fyrir framleiðslu á 6.800 tonnum árlega af laxi í sjókvíum í Patreksfirði og Tálknafirði á grundvelli 1. mgr. 6. gr. laga nr. 7/1998 um hollustuhætti og mengunarvarnir. Með úrskurði sínum frá 4. október 2018 í máli nr. 4/2018 felldi úrskurðarnefnd umhverfis- og auðlindamála úr gildi starfsleyfi fyrirtækisins veitt af Umhverfisstofnun vegna laxeldis í sjókvíum í Patreksfirði og Tálknafirði. Var það niðurstaða úrskurðarnefndarinnar að matsskýrla framkvæmdaraðila frá 6. maí 2016 og álit Skipulagsstofnunar á henni frá 23. september 2016 gæti ekki verið lögmætur grundvöllur fyrir ákvörðun um veitingu starfsleyfis, en áður hafði eðlislíkur úrskurður fallið um rekstrarleyfi framkvæmdaraðila sem var útgefið af Matvælastofnun. Með úrskurði nr. 141/2018 frá 5. október 2018 vísaði úrskurðarnefndin frá beiðni fyrirtækisins um að réttaráhrifum úrskurðar í máli nr. 4/2018 yrði frestað þar til endanleg niðurstaða dómstóla um lögmæti þeirra lægi fyrir. Hinn 5. nóvember sl. veitti atvinnu-

nýsköpunarráðuneytið fyrirtækinu rekstrarleyfi til bráðabirgða á grundvelli 2. mgr. 21. gr. c. laga nr. 71/2008 um fiskeldi.

Í úrskurði úrskurðarnefndar umhverfis- og auðlindamála nr. 141/2018 frá 5. október 2018 um frestun réttaráhrifa úrskurða í málum nr. 3, 4, 5, 6 og 12/2018 er sérstaklega vakin athygli á undanþáguheimild ráðherra í 1. mgr. 6. gr. laga nr. 7/1998.

Ráðuneytið telur ljóst að samkvæmt framangreindu ákvæði 4. mgr. 5. gr. reglugerðar nr. 550/2018 þarf að uppfylla þrenns konar skilyrði til að veita undanþágu frá starfsleyfi. Í fyrsta lagi að til staðar sé fullnægjandi starfsleyfisumsókn til útgefanda starfsleyfisins, í öðru lagi að fyrir liggi mat á umhverfisáhrifum eða niðurstaða um matsskyldu starfseminnar ef við á og í þriðja lagi þurfa ríkar ástæður að mæla með því að undanþágan verði veitt.

6.1. Skilyrði fyrir veitingu undanþágu.

a) Fullnægjandi starfsleyfisumsókn.

Fram kemur í gögnum málsins að hjá Umhverfisstofnun liggur fyrir umsókn um starfsleyfi fyrir umræddri framkvæmd og álit Skipulagsstofnunar um mat á umhverfisáhrifum framkvæmdarinnar, þótt að einnig liggi fyrir að bæta þarf úr tilteknum annmörkum á matinu í samræmi við niðurstöðu úrskurðar í málí úrskurðarnefndar umhverfis- og auðlindamála nr. 4/2018. Ekkert hefur komið fram í málí þessu um að umrædd starfsleyfisumsókn sé ekki fullnægjandi. Fyrir liggur að bæta þarf úr umræddum annmörkum á umhverfismatinu áður en unnt er að taka ákvörðun um endanlega útgáfu starfsleyfis. Ljóst er að það mun taka ákveðinn tíma fyrir framkvæmdaraðila að bæta úr því í samvinnu við Skipulagsstofnun og Umhverfisstofnun.

Í ljósi framangreinds er það mat ráðuneytisins að fram sé komin fullnægjandi umsókn um starfsleyfi til útgefanda starfsleyfis, sbr. 4. mgr. 5. gr. reglugerðar nr. 550/2018. Ráðuneytið tekur fram í þessu sambandið að það hvort Arctic Sea Farm hf. hafi áform um að höfða mál vegna úrskurðar úrskurðarnefndarinnar í málí nr. 4/2018 er óviðkomandi því málí sem hér er til umfjöllunar og afgreiðslu. Reglugerð nr. 550/2018 kveður á um að eingöngu sé hægt að leggja fram beiðni um undanþágu ef umsókn um starfsleyfi hefur verið lögð fram hjá Umhverfisstofnun eins og áður sagði.

b) Mat á umhverfisáhrifum eða niðurstaða um matsskyldu framkvæmdar.

Í umsögn Skipulagsstofnunar til ráðuneytisins vegna máls þessa kemur fram að umrædd framkvæmd hafi undirgengist mat á umhverfisáhrifum og að fyrir liggi matsskýrsla framkvæmdaraðila dags. 6. maí 2016 og álit Skipulagsstofnunar dags. 23. september 2016. Þá liggi fyrir niðurstaða um matsskyldu starfseminnar á nýjum stað.

Í úrskurði sínum frá 4. október 2018 í málí nr. 4/2018 komst úrskurðarnefnd umhverfis- og auðlindamála að þeirri niðurstöðu að gera þyrfti frekari grein fyrir valkostum áður en unnt væri að taka afstöðu til leyfisumsóknar Arctic Sea Farm hf. Fyrirtækið hefur sett fram tillögu að ítarlegri málsmeðferð í því skyni að bæta úr þeim annmörkum sem úrskurðarnefndin taldi vera á umhverfismati vegna framkvæmdarinnar. Skipulagsstofnun hefur í öllum aðalatriðum lýst sig sammála þeirri tillögu sem þar er lögð fram og telur jafnframt að þar sé settur fram raunhæfur tímarammi, enda verði framvinda mála markviss af hálfu framkvæmdaraðila og fái sérstakan forgang hjá viðkomandi stjórnvöldum þegar þau koma þar til umfjöllunar og afgreiðslu.

Í málí þessu liggur fyrir að umrætt umhverfismat getur ekki orðið lögmætur grundvöllur fyrir veitingu starfsleyfis af hálfu Umhverfisstofnunar til Arctic Sea Farm hf. eins og fram kemur í niðurstöðu umrædds úrskurðar úrskurðarnefndarinnar. Því þarf að bæta úr þeim annmörkum sem eru á matinu áður en unnt er að taka ákvörðun um starfsleyfi að nýju. Veiting undanþágu frá starfsleyfi felur hins vegar ekki í sér útgáfu leyfis í skilningi laga nr. 7/1998 heldur bráðabirgðaráðstöfun eftr að fullnægjandi umsókn um starfsleyfi liggur fyrir og stendur hún yfir þar til umsóknarferli lýkur og unnt er að taka afstöðu til útgáfu starfsleyfis. Ítrekað skal að undanþága er aðeins veitt ef upp koma aðstæður þar sem ríkir hagsmunir eru til staðar, enda gerir ákvæði 4. mgr. 5. gr. reglugerðar nr. 550/2018 kröfu þar um, en þegar sú aðstaða er uppi að taka þarf afstöðu til undanþágubeiðni má segja að undanþágan verði einn hluti af ferli leyfisveitingar vegna starfsleyfis. Þrátt fyrir umrædda annmarka á umhverfismatinu hvað varðar valkosti liggur engu að síður fyrir að metin hafa verið

umhverfisáhrif af þeim framkvæmdakosti sem sótt er um undanþágu fyrir og því liggja fyrir umhverfisáhrif hans þrátt fyrir þá annmarka sem tilgreindir eru í úrskurði úrskurðarnefndar í máli nr. 4/2018 og varða valkostagreiningu vegna framkvæmdarinnar. Þá liggur fyrir að áður en umræddur úrskurður féll hafði Umhverfisstofnun fallist á breytta staðsetningu eldissvæða í Patreksfirði. Í framlagðri matsskyldufyrirspurn hjá Skipulagsstofnun vegna nýju staðsetningarinnar er færsla svæðanna ekki talin háð mati á umhverfisáhrifum, sbr. ákvörðun stofnunarinnar frá 11. apríl 2018. Umhverfisstofnun lítur til þeirrar staðsetningar varðandi vinnslu nýs starfsleyfis.

Í ljósi framangreinds telur ráðuneytið að fyrir liggi mat á áhrifum af umræddri starfsemi á umhverfið og matsskylduákvörðun í skilningi 4. mgr. 5. gr. reglugerðar nr. 550/2018 og er það skilyrði ákvæðisins því uppfyllt.

Vegna áðurgreindra athugasemda frá kærendum í máli 4/2018 fyrir úrskurðarnefnd umhverfis- og auðlindamála um að ekki liggi fyrir umhverfismat áætlana í tengslum við framkvæmdina telur ráðuneytið rétt að taka fram að samkvæmt 8. gr. laga nr. 88/2018 um skipulag haf- og strandsvæða skal leyfi fyrir framkvæmdum eða annarri starfsemi eingöngu samræmast gildandi strandsvæðisskipulagi sé það fyrir hendi. Ekki liggur fyrir strandsvæðisskipulag vegna þeirra fjarða sem hér ræðir um. Í ljósi þess er ekki unnt að láta fara fram mat á umhverfismati áætlana vegna slíks skipulags, sbr. lög nr. 105/2006 um umhverfismat áætlana. Ráðuneytið lítur því ekki svo á að umhverfismat áætlana eigi að liggja fyrir vegna þeirrar starfsemi sem hér ræðir um eða strandsvæðisskipulag fyrir umrætt svæði.

c) *Ríkar ástæður mæli með veitingu undanþágu.*

Hvað varðar þriðja skilyrði 4. mgr. 5. gr. reglugerðar nr. 550/2018 um að ríkar ástæður þurfi að vera til staðar svo að undanþága verði veitt þá kemur fram í athugasemdum kærenda í máli úrskurðarnefndarinnar nr. 4/2018 að það skilyrði sé ekki fyrir hendi enda stundi Arctic Sea Farm hf. ekki þá starfsemi sem óskað sé undanþágu fyrir og ekki liggi fyrir að Arctic Sea Farm hf. muni á næstu mánuðum hefja starfsemi á umræddum stöðum. Kærandi bendir einnig á að fyrirtækið Arctic Smolt ehf. sem sé systurfélag Arctic Sea Farm hf. hafi starfsleyfi fyrir 199 tonna seiðaeldi á landi að Norður-Botni í Tálknafirði sem gildi til 2020 en ekki sé um starfsemi að ræða sem eigi undir lög nr. 106/2000. Kaup á seiði af tengdu félagi eða ótengdu skipti ekki máli hvað varði veitingu undanþágu frá starfsleyfi og skyldu til málsmæðferðar samkvæmt lögum nr. 106/2000. Einnig er í athugasemdum kærenda vikið að hagsmunum Arctic Sea Farm hf., samfélagsins og umhverfisins. Að þeirra mati hefur ekkert raunhæft hagsmunamat farið fram. Hagsmunirnir felist m.a. í því að ekki sé stefnt í hættu lífríki margra lax- og silungsveiðiáa með erfðamengun frá framandi aðskotadýri og að ekki sé til staðar lú safar og sjúkdómasmit og stórfelld saur- og fóðurleifamengun.

Ráðuneytið bendir á að veiting undanþágu felur í sér tímabundna ráðstöfun þar til unnt er að taka nýja ákvörðun um útgáfu starfsleyfis. Einnig er á það bent að starfsleyfið var ekki fellt úr gildi á þeim forsendum að skilyrði skorti í starfsleyfinu um mengunarvarnir. Hvað varðar hættu á erfðamengun frá eldislaxinum eða fiskisjúkdómum bendir ráðuneytið á að fiskeldi er á málefnasviði atvinnuvega- og nýsköpunarráðuneytis og gefur Matvælastofnun út rekstrarleyfi fyrir fiskeldi í samræmi við lög nr. 71/2008 um fiskeldi. Við útgáfu rekstrarleyfis er m.a. skoðað hvort náttúrulegar aðstæður eða fyrirhugaðar eldistegundir, eldisstofnar eða eldisaðferðir gefi tilefni til neikvæðra vistfræði- eða erfðafræðiáhrifa. Í starfsleyfi Umhverfisstofnunar er fjallað um mengun sem starfsemin getur valdið og mengunarvarnir. Mat á umhverfisáhrifum vegna umrædds framkvæmdakosts eða starfseminnar eins og hún var sett fram í starfsleyfi því sem fellt var úr gildi hefur farið fram og þar var gerð grein fyrir áhrifum hennar á umhverfið og samfélag. Í starfsleyfi Umhverfisstofnunar verður síðan kveðið á um aðgerðir til að sporna við mögulegri mengun frá starfseminni. Í umhverfismati vegna umrædds framkvæmdakosts er m.a. fjallað um hættu á erfðablöndun, fisksjúkdóma og laxalús og burðarþol og botndýralíf. Í áltí Skipulagsstofnunar frá 23. september 2016 vegna framkvæmdarinnar kemur fram að lífrænn úrgangur frá eldinu muni safnast upp á botni undir sjókvíum og næsta nágrenni þeirra. Því verði áhrif eldisins á súrefnisinnihald sjávar við botn talsvert neikvæð á takmörkuðu svæði undir eldiskvíum og nokkuð neikvæð á innihald uppleystra næringarefna sjávar á stærra svæði út frá eldiskvíum. Áhrif á botndýrlíf verði því talsvert neikvæð á takmörkuðu svæði nærri eldisstað, en fjær verði áhrifin nokkuð neikvæð til óveruleg. Áhrifin séu afturkræf ef starfseminni verði hætt. Í áltí Skipulagsstofnunar eru tilgreind skilyrði sem stofnunin telur að þurfi að vera fyrir leyfisútgáfu, en

þau lúta að vöktun á ástandi sjávar, vöktun á uppsöfnun lífræns úrgangs á sjávarbotn og hvíld svæða.

Ráðuneytið bendir á að samkvæmt gögnum málsins áætlar Arctic Sea Farm að setja út seiði í maí 2019. Þar kemur einnig fram að Arctic Smolt ehf. er dótturfélag Arctic Sea Farm hf. og sér um seiðaeldi fyrir það félag. Ljóst er að ferli seiðaeldis er langt og þarf að hefjast mör gum mánuðum áður en seiði eru sett út. Fram hefur komið að framleiðsla á þeim seiðum sem áætlað er að setja út í Patreksfjörð hafi byrjað snemma á síðasta ári og nú séu tilbúin 1.600 þúsund seiði sem áætlað sé að setja út í sjó. Einnig sé búið að klekja og hefja startfóðrun á 1.400 þúsund seiðum fyrir útsetningu á næsta ári í Tálknafirði. Ráðuneytið telur vegna þessa ljóst að um umtalsverða sóun verðmæta verður að ræða ef ekki verður af útsetningu seiða og aukið álag á umhverfið þar sem farga getur þurft seiðum en við það myndast úrgangur. Ráðuneytið telur ljóst að starfsemi þessara tveggja fyrirtækja er samofin. Arctic Smolt ehf. sér um seiðaeldi fyrir Arctic Sea Farm hf. og er gert ráð fyrir að seiðin fari í eldi hjá Arctic Sea Farm hf. á ákveðnum fyrir fram gefnum tímum og er starfsemi Arctic Smolt ehf. miðuð við það. Breyting á starfsemi Arctic Smolt ehf. vegna stöðvunar starfsemi Arctic Sea Farm hf. getur leitt til aukins álags á umhverfið vegna úrgangsmyndunar á svæði því sem Arctic Smolt ehf. starfar þar sem farga þarf seiðum. Ráðuneytið telur því að skilyrði ákvæðis 4. mgr. 5. gr. reglugerðar nr. 550/2018 um ríkar ástæður fyrir veitingu undanþágu séu uppfyllt.

6.2. Árósasamningurinn.

Fram kemur í athugasemdum frá kærendum í máli úrskurðarnefndarinnar nr. 4/2018 að veiting ráðherra á tímabundinni undanþágu frá kröfu um starfsleyfi sem sé matsskyld taki úr sambandi uppkveðna úrskurði úrskurðarnefndarinnar. Um leið sé ljóst að ákvörðun ráðherra verði ekki borin undir úrskurðarnefnd umhverfis- og auðlindamála, sbr. lög nr. 130/2011. Lögmætur úrskurður óháðrar og sjálfstæðrar úrskurðarnefndar sem komið sé á fót á Íslandi í þeim sérstaka tilgangi að veita réttláta málsmeðferð í tilteknum umhverfismálum í samræmi við alþjóðasamninga, yrði „núllitet“ og umhverfismálín svípt réttlátri málsmeðferð. Að mati kærenda sé framangreint alvarlegt brot á þriðju stoð Árósasamningsins, það er réttinum til að bera ákvárdanir, athafnir og athafnaleysi stjórnvalda undir óháðan og sjálfstæðan úrskurðaraðila þegar um sé að ræða framkvæmdir sem hafi mikil áhrif á umhverfið, þ.e. 9. gr., sbr. 6. gr. samningsins. Á sama hátt gengi íslenska ríkið með slíkri undanþágu gegn ákvæðum tilskipunar 2011/92/ESB með því að taka leyfi fyrir starfsemi umsækjanda með þessum hætti úr sambandi við lög nr. 106/2000 og lög nr. 130/2011, en í 11. gr. tilskipunarinnar sé mælt fyrir um að ákvárdanir sem veiti leyfi til framkvæmda eða starfsemi sem hafi mikil áhrif á umhverfið skuli þeir sem lögvarða hagsmuni hafi, m.a. umhverfisverndarsamtök, geta borið undir dómstól eða annan óháðan og sjálfstæðan úrskurðaraðila.

Ráðuneytið bendir á að með úrskurði úrskurðarnefndarinnar var starfsleyfi fyrir umrædda starfsemi fellt úr gildi vegna annamarka á mati á umhverfisáhrifum. Fyrir liggur að framkvæmdaraðili þarf að bæta úr annmörkum á umhverfismatinu og í framhaldi þarf leyfisveitandi starfsleyfis að taka afstöðu til álits um mat á umhverfisáhrifum að nýju og taka ákvörðun um útgáfu á nýju leyfi. Eins og áður segir er ráðherra heimilt að veita tímabundna undanþágu frá starfsleyfi að uppfylltum vissum skilyrðum og á þetta bendir einnig úrskurðarnefndin í niðurstöðu sinni í umræddu máli. Ekki er um leyfi að ræða, enda veitir ráðherra ekki starfsleyfi, en það er lögbundið hlutverk Umhverfisstofnunar. Undanþága sem veitt er á grundvelli 1. mgr. 6. gr. laga nr. 7/1998 er bráðabirgðaráðstöfun sem heimilt er að grípa til þegar ríkir hagmunir eru til staðar. Í máli þessu er um slíka bráðabirgðaráðstöfun að ræða á meðan unnið er að útgáfu starfsleyfis og er það mál til meðferðar hjá Umhverfisstofnun.

Ráðuneytið bendir á að umrætt starfsleyfi var borið undir óháða úrskurðarnefnd sem felldi leyfið út gildi og því verður ekki séð hvernig ákvæði þriðju stoðar Árósasamningsins verði brotin verði undanþága veitt. Ekki verður heldur séð að leyfi fyrir starfsemi umsækjanda verði tekið úr sambandi við lög nr. 106/2000 eða tilskipun 2011/92/ESB því ljóst er að framkvæmdin fór í mat á umhverfisáhrifum auk ákvörðunar um matsskyldu og í framhaldinu var gefið út starfsleyfi sem var kært og fellt í kjölfarið úr gildi. Einnig er bent á að ef niðurstaða Umhverfisstofnunar verður sú að gefa starfsleyfi út að nýju fyrir starfsemina þá verður um kæranlega ákvörðun að ræða til úrskurðarnefndar umhverfis- og auðlindamála.

6.3. Niðurstaða.

Samkvæmt umsögnum Umhverfisstofnunar og Skipulagsstofnunar til ráðuneytisins auk tímasetrar áætlunar Arctic Sea Farm hf. er gert ráð fyrir að ákvörðun um útgáfu starfsleyfis geti legið fyrir í september 2019 og því sé þörf á að undanþága fyrir starfsemina sé til staðar fram að þeim tímamörkum.

Í ljósi alls þess sem að framan er rakið er það mat ráðuneytisins að skilyrði 4. mgr. 5. gr. reglugerðar nr. 550/2018 og 1. mgr. 6. gr. laga nr. 7/1998 um hollustuhætti og mengunarvarnir séu uppfyllt og því heimilt að veita Arctic Sea Farm hf. undanþágu frá starfsleyfi. Ráðuneytið bendir á að meginreglan er sú að allur starfsleyfisskyldur atvinnurekstur þurfi að vera með starfsleyfi í gildi og að veiting undanþágu frá starfsleyfi felur í sér undantekningu frá þessari meginreglu sem ber að túlka þróngt. Slík undanþáguveiting er í eðli sínu bráðabirgðaráðstöfun sem hægt er að grípa til ef ríkar ástæður eru til staðar eftir að fullnægjandi umsókn um starfsleyfi liggur fyrir og stendur hún yfir þar til umsóknarferli lýkur og unnt er að taka afstöðu til umsóknar um starfsleyfi. Ljóst er að ef ekki verður af útsetningu seiða mun það leiða til sóunar á verðmætum og aukins álags á umhverfið þar sem farga getur þurft seiðum ef ekki verður hægt að nýta þau, en við það myndast úrgangur. Að mati ráðuneytisins eru því til staðar ríkar ástæður sem mæla með útgáfu undanþágu frá starfsleyfi. Afar mikilvægt er í því sambandi að starfseminni sé heldið í lágmarki á gildistíma undanþágunnar til að lágmarka umhverfisáhrif og mengun sem henni fylgir. Eins og áður segir hyggst Arctic Sea Farm hf. ekki setja út seiði fyrr en í maí 2019 og samkvæmt gögnum málsins verður framleiðsla fyrirtækisins því undir 600 tonnum á gildistíma undanþágunnar. Telur ráðuneytið því rétt að miða við að undanþágan heimili framleiðslu á 600 tonnum árlega af laxi í sjókvíum í Patreksfirði og Tálknafirði.

Með vísan til framangreinds fellst ráðuneytið á að veita Arctic Sea Farm hf. tímabundna undanþágu frá starfsleyfi til framleiðslu á 600 tonnum árlega af laxi í sjókvíum í Patreksfirði og Tálknafirði skv. 1. mgr. 6. gr. laga nr. 7/1998, um hollustuhætti og mengunarvarnir sbr. 4. mgr. 5. gr. reglugerðar nr. 550/2018.

Eldissvæðin sem undanþágan er veitt fyrir eru Kvígindisdalur og Akravík, sbr. eftirfarandi:

Svæði	Punktar
Kvígindisdalur	1. $65^{\circ} 34.983'N$ $24^{\circ} 02.953'V$, 2. $65^{\circ} 34.983'N$ $24^{\circ} 01.512'V$, 3. $65^{\circ} 34.401'N$ $24^{\circ} 01.512'V$, 4. $65^{\circ} 34.401'N$ $24^{\circ} 02.953'V$.
Akravík	1. $65^{\circ} 39.650'N$ $23^{\circ} 59.480'V$, 2. $65^{\circ} 40.070'N$ $23^{\circ} 59.380'V$, 3. $65^{\circ} 39.750'N$ $23^{\circ} 57.250'V$, 4. $65^{\circ} 39.360'N$ $23^{\circ} 57.510'V$.

Heimilt er að framleiða 500 tonn á sjókvíaeldissvæðinu í Kvígindisdal og 100 tonn á sjókvíaeldissvæðinu í Akravík. Óheimilt er að setja seiði í sjó á framangreindum svæðum fyrr en í maí 2019.

Undanþágan er bundin eftirfarandi skilyrðum:

- 1) Arctic Sea Farm hf. fylgi, eftir því sem við á og í samráði við Umhverfisstofnun, þeim starfsleyfisskilyrðum sem fram komu í starfsleyfi því sem fellt var úr gildi með úrskurði úrskurðarnefndar umhverfis- og auðlindamála í máli nr. 4/2018 þann 4. október 2018 og þeim kröfum sem fram koma í niðurstöðukafla í álti Skipulagsstofnunar um mat á umhverfisáhrifum vegna framkvæmdarinnar, dags. 23. september 2016, sem miða að því að draga úr áhrifum starfseminnar á umhverfið. Um er að ræða starfsleyfi til handa Arctic Sea Farm hf., Patreksfjörður og Tálknafjörður, fyrir framleiðslu á laxi, sem gefið var út af Umhverfisstofnun 13. desember 2017. Starfsleyfisskilyrðin er að finna í 1. kafla um almenn ákvæði, 2. kafla um starfshætti, 3. kafla um varnir gegn mengun ytra umhverfis, 4. kafla um innra eftirlit og vöktun og 5. kafla um umhverfisvöktun.

- 2) Arctic Sea Farm hf. vinni með virkum hætti að því að bæta úr þeim annmörkum sem eru á umhverfismati vegna framkvæmdarinnar á þeim tíma sem undanþágan er í gildi í samræmi við niðurstöðu úrskurðarnefndar í máli nr. 4/2018 og veiti allar upplýsingar fljótt og vel sem Umhverfisstofnun óskar eftir við vinnslu starfsleyfis þannig að unnt verði að taka ákvörðun um útgáfu starfsleyfis sem fyrst.
- 3) Undanþága þessi gildir þar til nýtt starfsleyfi hefur verið gefið út en eigi lengur en til 5. september 2019. Falli endanlegur dómur fyrir dómstóli í máli framkvæmdaraðila sem fellir úr gildi úrskurð úrskurðarnefndar umhverfis- og auðlindamála í máli nr. 4/2018 fellur undanþága þessi úr gildi.

Á gildistíma undanþágunnar fer Umhverfisstofnun með eftirlit með starfseminni í samræmi við ákvæði X. kafla reglugerðar nr. 550/2018 um losun frá atvinnurekstri og mengunarvarnaeftirlit, sbr. og IX. viðauka sömu reglugerðar og ákvæði 2. mgr. 58. gr. laga nr. 7/1998 um hollustuhætti og mengunarvarnir.

Framangreint tilkynnist hér með.

Fyrir hönd ráðherra



Steinunn Fjóla Sigurðardóttir



Íris Bjargmundsdóttir

Afrit:
Umhverfisstofnun
Skipulagsstofnun
Matvaelastofnun
Atvinnuvega-
og_nýsköpunarráðuneyti
Heilbrigðisnefnd_Vestfjarða
Óttar Yngvason
Fluga og netelf.

